



Е.Е. Афанасьева

# *Мөвпалан визьяс*



Сыктывкар 2002



Елена АФАНАСЬЕВА

## МӨВПАЛАН ВИЗЬЯС

Ичӧт класса челядылы  
лыддысян нига дасьтӱгӧн чужӧм мӧвпгьяс

*Велӧдысьлы нига*

**ББК 74.268.3 (2 Р = К)**

**Аф 94**

**Аф 94** Афанасьева Е. Мөвпалан визьяс: Книга для учителя.  
– Сыктывкар: КРИРОиПК, 2002. – 28 с.

**ISBN 5-7009-0077-7**

Тайö нигаыс отсалас ичöt классаос велöдысьлы лыддысян урок дырйиыс восьтыны серпаса гижöдлысь аслыспöлöслунсö.

**ББК 74.268.3 (2 Р = К)**

**Аф 94**

Донъялан кыв сетысьяс:

**Грабежова В.М.**, коми кыв да литература нига лöсьöдысь

**Прошева З.А.**, ичöt класса челядлы лыддысян нига лöсьöдысь

**Старцева Г.В.**, искусство гимназияын ичöt класса челядöс  
велöдысь

**ISBN 5-7009-0077-7**

© Афанасьева Е.Е., 2002

© Истомин В.Ф., обложка, 2002

© КРИРОиПК, 2002

## Водзкыв

Тайö уджыс - челядылы лыддысян нига дасьтiгөн чужом пасйодьяс. Кутшомкө мөвпьяс чужисны урокьяс кывзөм бөрн, велодысьяскөд сёрни бөрн. Мөвпьясыслы колö на сөвмыны, быдмыны, сы вöсна ме кута лача, мый найö ышодасны велодысьсö выль корсьысьомьяс вылö. Ме кора велодысьсö уджавны ог сöмын индодьяс серти, а босьтчыны аслыс восьтавны выль туйяс, пасьявны мөвпьяссö да юксьыны аслас видзодласөн нига лосьодысьяскөд. Пöртны олөмö уна идея отсалас кöсийм.

Тайö уджыс - велодысь дiнö шыодчөм и сувтöдö татшөм могьяс: отсавны велодчысьыслы тöдмавны асьыс ловсö, корсьны олөмсьыс мич, радлун, гөгөрвоны кывйыслысь да мөвпыслысь вынсö, литература урок нуөдiгөн восьтыны унджык выль тема, казавны кывйыслысь уна ног петкөдчөмсö.

Полыслөн выныс - уна көленаөн быдтөм вын. Мортөн став сьöкыдлуныслы паныд мунöмыс тöдчана, öд медшөр могыс мортыслөн - мед эз падмы лолыс. Ловлөн выныс быдтö кывсö.

Вежөрлы тöдтöмыскөд гижөд пыр йитөдсö корсьöмыс, сийöс водзö ас вежөрн сөвмөдöмыс, вежөртанасö ас төдөмлунөн озырмөдöмыс сетасны кывйыслы выль вын, а мортлы - поэянлун восьтыны выль мөвпалан визьяс.

*Мый сөвмысь мортыс кутас корсьны олөмсьыс, мый кутас венны ас пытшкөсын-лолын, мыйын аддзас колана вынсө...*

*Кутшөм туйяс талун восьтыны велөдчысьлысь лов-вежөрсө уджөдөм могысь, весалөм могысь, мед этшаджык лёкыс пырас быдмысь морт лов-вежөрө...*

Кадыс корө быдтыны мөвпалысь, му-васө видзысь, пöль-пöчлысь вежөра кывсө тöдысь да пыдди пуктысь мортөс. И школа водзө сувтö мог – сетны абу сөмын бур тöдöмлун, но и сөвмöдны челядьлысь вежөрсө, сёлөм кылөмөсө, сёрнисө, быдтыны ловсө. Могъяссө олөмө пöртны кутшөмакө отсалас лыддысян нигаыс.

Нигаыслөн нимыс – «Эжөр-вежөр». Гижысь петкөдлө мортлысь сям-вежөрсө, оланногсө, вөр-валысь син чуймөданасө, ас гөгөрсä олөм радейтөмсө, донъялөмсө. Нигаас авторыс восьтö ассьыс гуся мөвпгьяссө, майшасьөмсө, корсьө вежөртан здукъяс, казътылө челядьдырсө да мөвпалө аския лун йылысь.

≈ И челядьöс чуйдöдны мөвпавны

*Эм му-вайн чужтöмыс... А миянлы колö велöдны асьнымöс кывны ылысджык шыяс... Да чукöртны ензюгыдас пасьмунöм-разалөм мөвпгьяссө. Художествоа кывйыс сетö югыдсө, сы мөвпөн олө вылыс вежöрыс, морт лолыс...*

Быль гижөднас тöдмөдигөн велөдысь унджыкысьсө урок теманас босьтö гижөд нимсө. Тайö челядьлы сөмын висьталас – кутшөм гижөдөн найö тöдмасысны, но велөдысьлөн эм позянлун тема пырыс нин петкөдлыны гижөдсө, кызди аслыспөлөс олөм, видзөдлас.

Петкөдөм темаыс вермас вöчны уна удж:

гижөдсө лыддытөдз на ышöдны мөвпыштыны – мый эськө поэть гижны, висьтаваны тайö тема сертиыс;

отсалас восьтыны гижӧдыслысь вежӧртассӧ;  
вермас тӧдчӧдны гижӧдас мунан сёрниыслысь олӧмыскӧд  
йтӧдсӧ;

темаыс лоас йитӧдӧн челядь вежӧр да гижӧдын кыпӧдӧм  
проблема костын.

Олӧмыс корӧ лэптыны выль темаяс, и сы пыр позьӧ йитны  
гижӧдлысь шӧр мӧвпсӧ ӧнія кадыскӧд.

Урок нимнас позьӧ паськӧдыштны гижӧдын кыпӧдӧм темасӧ.

Урок темаясыс мед эськӧ на корисны восьтыны эз сӧмын  
гижӧдыслысь позянлунсӧ, но и лыддысьысыслысь тшӧтш.

Вӧзъям некымынӧс:

1. Сьӧлӧмӧн радлунсӧ корсьӧм.

2. Мӧвплӧн выныс.

3. Ловлы матын кывйыс дона.

Ышӧдасны челядьӧс мӧвпавны, сёрнитны, отсаласны налы  
восьтыны озырлунсӧ олӧмсьыс, кывсьыс, ас сьӧлӧмсьыныс татшӧм  
темаяс: мыйын мортлӧн озырлуныс, олӧмсьыс чуймӧданасӧ  
казялӧм, ёртасьӧм, мыйын мортлӧн шудыс, лёкыслӧн выныс,  
ловлӧн мичлуныс, кыв да мӧвп, мӧвплӧн выныс...

Велӧдысь петкӧдлӧ челядьлы мӧвпалан туй визьсӧ: *кывзы асьтӧ,  
велӧд синтӧ аддзыны ас гӧгӧрысь мичсӧ, донъяв быд здук, тӧдсасӧ  
восьты выль ног, корсь выль кыв, выль видзӧдлас.*

Велӧдысь уроксӧ йитӧ олӧмыскӧд, петкӧдлӧ челядьлы наӧн  
вӧчӧм уджлысь коланлунсӧ. Велӧдысь кадысь кадӧ бергӧдчылӧ  
воддза сёрни темаяс дорӧ, сӧвмӧдӧ-паськӧдӧ найӧс, вӧзийӧ гижан  
уджъяс, чуйдӧдӧ челядьӧс пыртны уджъясас чужысь мӧвпъяссӧ.

## ☞ Гижӧдсӧ лыддьӧм, вежӧртӧм

Нигаӧн уджалігӧн медводдза тшупӧдӧн лоӧ художествоа гижӧдсӧ  
лыддьӧмыс, вежӧртӧмыс, а сӧсся нин велӧдчыслӧн ас кежсьыс  
мӧвпалӧмыс, велӧдысь отсӧгӧн гижӧдсӧ донъялӧмыс, аслас сьӧлӧм  
кылӧмъяс йылысь сёрнитӧмыс.

Гижӧдыслысь мӧвпсӧ гӧгӧрвоны отсалас велӧдысьӧн текстсӧ

гораа бура лыддьо́мыс. Сэки содó кывйыслóн выныс, петкóдчó сёрни шыяслóн ворсóмыс, тóдчанлуныс. Велóдысьлóн кужóмóн лыддьо́мыс ышóдас челядьóс тшóтш мичаа лыддысьыны, аддзыны выль нога сьóлóм кылóмъяс. Серпаса гижóдсó гораа лыддьо́мыс осьтас кывйыслысь ловсó, вынсó, рóмъяссó.

Текстсó челядьлы лыддыны дасътысигóн нин велóдысь медводз ачыс пырóдчó и гижóд сюрóсó и кыв вежóртасó:

Кутшóм кывъяс колó тóдчóдны гóлосóн, мыйла?

Мый петкóдлыны гóлосóн: радлун, гажтóмтчóм, чуймалóм?

Кытчó лыддигас вóчны пауза, мый тайó сетас кывзысьыслы?

Кутшóм вежóртасыс пунктуация пасъяслóн?

Оз ёна артмыв сёрнитны пасъяслóн вежóртас йылысь, но тайó зэв колана удж. А мый содтóд тóдчóдóны найó лыддысьысьлы - та йылысь сёрнитóмыс отсалас бурджыка гóгóрвоны гижóдсó, отсалас и гижан удж вóчигóн.

Уна чута пасыс сёрникузя помын лыддысьысьлы сетас позянлун ас кежсьыс мóвпавны либó корас быдóнлы ас ногыс осьтыны-сóвмóдны мóвпыслысь кымынкó визь (кор гижысьыс оз помав мóвпсó). А сёрникузя шóрын уна чутаыс тóдчóдас локтысь кывсó, сетас сылы содтóд вын, джудждóдас вежóртассó.

Визьторйыс видзó сёрникузясó ковтóм кывъясысь, корас лыддысьысьсó аддзыны да осьтыны текстысь содтóд вежóртас.

### ≈ Челядь мед асьныс гижóдсó кылóны

Гижóдсó лыддьóм бóрын велóдысь панó сёрни; ышóдó челядьóс юксыны асланыс видзóдласóн, тóдчóдó медбур казялóмъяссó.

Велóдысь сёрнисó нуóдó гижóд сюрóс сертиыс. Мóвпас пырóдчóмыс гижóдсó видлалóмын лоó нин выль тшупóдóн. Авторыслысь видзóдлассó тóдчóдóмыс, гижóдыслысь пыдi мóвпсó эрдóдóмыс, кывйыслысь стóчлунсó петкóдлóмыс осьтасны гижóдыслысь позянлунсó. Тайó уджсó вóчны и воóдчыны кывкóртóдóдзыс челядьлы отсаласны велóдысьлóн стóч юалóмъясыс.

Урок вылын гижóдсó сьóлóмсянь лыддьóмыс челядьлы сетас

бур ру, но гижодсö видлалигөн художествоа кывйыс быттьö воштö ассыс тöдчанлунсö. И мед челядылөн эз торксы гижодсö кылöмыс, велöдысылы колö восьтыны гижысылысь уджсö, петкöдлыны челядылы кывйыслысь позянлунсö, мый асьныс оз на кужны казавны гижодсыс.

## ≈ Уроклөн эстетика

Том мортлысь аскылöмсö сöвмöдöмыс, сикöд мөвпъясөн юксöмыс, радлунсö öтувъя уджысь босьтöмыс ловзьöдас уроксö. Велöдысь зильö быд урок вöчны эстетика боксян тöдчанаөн.

Урокас эстетикаыс – сийö велöдысылөн мичаа юргысь кывйён вöдитчöмыс, урокы лöсялана серпасьяс, гижöдъяс, сьöлөм öзтысь кывъяс, и дерт жö, бур тöдöмлун, кужöмлун, кокни сьöлөмөн челядыс велöдчан уджас босьтчöдөм-ышöдöмыс, налысь быдторсö босьтысь вежöрсö колана визьöд сöвмöдöмыс.

## ≈ Кывйыслөн позянлуныс

*Мый сэтшöм юалöмыс?.. Эм-ö юалöмас воча кывйыс? Юалöмыс корö гижöд сертиыс мөвпавны, кыйны вежöрсыйд мөвплысь визьнитöмсö...*

Велöдысь восьтö челядылы кывйыслысь оз сöмын вежöртассö, но и стöчлунсö, позянлунсö.

### Юалöмъяс:

Кутшöм мöд кыв вермис гижысылысь пыртны тайö кыв пыддиыс?

Пыртны кö матын вежöртаса кыв, воштас-ö мыйкö гижöдыс?

Вежяс-ö гижöдыслөн мөвпыс та вöсна?

Кутшöм вежöртас нуö кывйыс?

Кутшöм рöм сетö гижöдыслы?

Кутшöм удж сетö миян ловлы кывйыс тайö гижöдас?

Кутшöм выль корсылысь выль ышöдö, кутшöм выль темаяс

вөййө?

Кутшөм аскылөм чужтө тайө кывйыс?

Кутшөм шыыс кывйыслөн, мый йылыс сийө висьталө?

Юалөмъясыс медводз отсаласны аслыс велөдысьыслы пырөдчыны гижөдлөн пытшкөсса олөмө, гөгөрвоны пыдисянджык гижөдыслыс мөвпсө, а челядькөд уджалігөн нин велөдыс бөрийө колана юалөмъяссө, вермө пыртны урокө нач өти юалөм, тайө юалөмыс восьтас кө гижөдыслыс мөвпсө.

### ~ Гижөдлөн сюрөсыс

Гижөдлыс сюрөссө мөвпалөмыс отсалас челядьлы төдчөдны темасө, сылыс коланлунсө, аддзыны геройыслыс оланногсө, восьтыны сы сямыс гижысөн дзөбөмтор:

Сюрөсылөн кутшөм подулыс: аскылөм, видзөдлас, мөвп?

Эскан он висьталөмыслы?

Кызди поэьө мөд ногөн восьтыны сюрөссө?

Кызди поэьө дженъыда висьтавыны?

Эм-ө поэянлун петкөдлыны серпас пыр?

Поэьө-ө петкөдлыны серпасын гижөдыслыс русө?

Кутшөм мөвпалан тема сетө сюрөсыс?

Мыйын төдчанлуныс тайө темаыслөн?

А кутшөм тема матын тэныд?

Восьтө-ө сюрөсыс тайө темасө?

И кутшөм сюрөс пыр тэ эськө восьтін тайө темасө?

Паськөдны гижөд сюрөс визьяс йылыс челядькөд сёрнисө отсаласны татшөм юалөмъяс:

Поэьө-ө мөд визьтi нуөдны висьталөмсө?

Мый абу пыртөма гижөдө, но ми төдам та йылыс?

Кутшөм сюрөс гөгөр гартчө мөвпыс?

Верман-ө ас кывйөн висьтавыны сюрөссө? Кокни-ө тайөс вөчны?

Кутшөм здукъяс воисны сьөлөм вылад?

Шуда-о мортыс гижодас?

Мыйын аддзё радлунсё, шудсё?

А тэ эскан-о сылы?

Водзё кё воськовтны гижёдлөн визьсыс, мый сэки петкөдчас тэныд?

Мый йылысь эськё панін геройыскөд сёрнисё?

### ⇒ Гижөдлысь шөр мөвпсё төдчөдөм

*Кор мортыс мөвпалё?.. Кор сыысь кужёмөн дзёбёма мөвпсё?..*

Кутшөм мөвп лои подунас гижөдыслы? Гижөдыс чужис радейтөмысь? чуймалөмысь? дойысь?... Позьё-о шуны мөвпсё дона изторйөн?.. Мыйын сылөн доныс? Кутшөм вын нуо мөвпыс, мый сійё вермё вежны морт вежорысь? Кыдзи мөвп пырыс петкөдчө ловлөн корсысысьмыс?

Тайё юалөмъяснас велөдысь чуйдөдө челядьёс восьтыны гижөдыслысь шөр мөвпсё. А мый отсалас казавны гижөдысь мөд, дзёбөм вежортассё?.. И эм-о сійё быд гижөдын?..

Мый воис юрад гижөдсё лыддьөм бёрын?

Мый тэныд лои выльторйөн?

Мый тэнё чуймөдис?

Мый йылысь мортыс мөвпалё гижодас?

Мый тэнё кыскё гижодас?

Мый йылысь сёрнитё гижысыс?

Мый отсаліс гөгөрвоны гижөдыслөн мөвпыс?

Эм-о гижөдыслөн мөд вежортас?

Мый вөчө мортыс висьтас - йёзыслы коланатор али ковтөмтор?

Мый көсйё шуны тайён гижысыс?

Мортыс гижодас ачыс вежсьё али вежө ас гөгөрсыс оломсё?

Мый отсалё казавны лыддысысыслы серпасалөм вөр-ваыс?

Мыйён отсалё вөр-ваыслөн мичлуныс тэныд?

Мый отсалё гөгөрвоны?

Мыйын петкөдчө мортыслөн вежорыс?

Мыйын мортыс аддзё радлунсё?

### ≈ Морт да сылён олан этшыс

Ичёт класса велёдчысыяслы съёкыд лоё восьтыны мортлысь сямсё, сылысь олан этшсё. Гижысыс оз век серпасав геройыслысь ортысё, оз век петкөдлы сылысь олём донъялёмсё.

Но гижысыс вермё петкөдлыны геройсё сэтшём здукё, кытысь ми адзам сылысь оланногсё, сямсё, кылам мөвпъяссё.

Вөйём юалёмъясыс пыртөдасны морт олёмө, чуйдөдасны гөгөрвоны ловсё.

Кызди тэ чайтан - мыйла гижысыс абу серпасалёма мортыслысь ортысё?

Мый отсөгөн петкөдлёма мортсё?

Кытысь тыдовтчө мортыслён олан этшыс, олём вылас видзөдласыс?

Кутшём здук кыйёма морт олёмысь?

Кызди тайё здукыс отсалё гөгөрвоны мортсё?

Гижысыс мортсё радейтё али оз ёна пыдди пукты? Петкөдлө тырмытөмторъяссё?

Кутшёмөн тэ сійөс аддзан?

Кутшём сылён съөлөмыс?

Мый йылысь тэ эськө сёрнитін сыкөд?

Кутшём содтөд образ отсөгөн серпасалёма мортсё? Мый көсйёма тайён төдчөдны гижысыс?

### ≈ Олём вылө авторлён видзөдлас

Авторлысь видзөдлассё восьтөмыс петкөдлас гижөдлысь нөшта өти «дзирдыштём».

Кутшём рөмъясөн тэ аддзан гижөдсё?

Мый йылысь тайё висьталё?

Мыйён тэныд матын лыддьём гижөдыс?

Кутшём съөлөм кылём тэнсьыд садъмөдіс сійө?

Мый йылысь корё мөвпавны гижысьыс?

Мый дзебё авторыс, оз пыр мыччы?

Мыйын тёдчө авторыслөн олөмсö аслысног аддзöмыс?

Позьö-ö висьтавны вөрзьöдöм темаяс сертиыс гижысьыслысь видзöдлассö?

Мый эн вермы помöдз гөгөрвоны лыддьöм гижöдысь? Кызди кутан мөвпавны?

Гижöдас унджык бурыс али лёкыс?

Ёнджыка мөвпавны олөмас корё лёкыс али бурыс?

Кызди вежсьöны шыясыс серпаса гижöдас? Мый гижысьыс петкöдлöма тайöн?

Кутшöм тöдчанлуныс гижöдас бөръя сёрникузяыслөн?

Кызди тэ гөлөснад петкöдлан бөръя сёрникузяыслысь аслыс-сикас юргöмсö?

Торъялöны-ö воддза да бөръя сёрникузяысыс выннас?

Позьö-ö пасьяс сертиыс висьтавны гижысьыслысь этшö?

### ♣ Аддзыны гижöдсö выль синмөн

Челядьлысь видзöдлассö сөвмöдöм могысь позьö орччöдны гижöдсö серпаскöд либö мöд гижöдкöд. Челядьлөн лöб позянлун аддзыны гижöдсö дзик выль ногөн.

Кутшöм серпас лöб матын тайö гижöдыслы? (велöдысь вöзийö некымын серпас, либö öти серпас, но серпасыс да гижöдыс торъялöны гажлуннас).

Кутшöм рөмъяс чужöны вежöрад гижöдсö лыддигөн? Орччöд найöс серпас рөмъясыскöд.

Кутшöм ру чужтö серпасыс, а кутшöм - гижöдыс?

Мый выльсö отсалö восьтыны гижöдсьыс тайö серпасыс?

А кутшöм мөвпьяс чужöны серпассö видзöдигөн?

Мыйын аддзöма мичлунсö художникыс, а мыйын - гижысьыс?

Корсь серпасыслы кывъяс.

Гиж аскылöмтö.

Оти мовп гогор гартчан гижодъяссо лыддьомыс сетас позянлун унатор йылысь мовпавны:

1. Гижан тема выло кык видзодлас;
2. Гижодъясас ром;
3. Мортыс гижодас;
4. Гижысьяслон эстетика идеал;
5. Гижодыслон позянлун;
6. Кывийе гижодас;
7. Мыйын гижысье адзэ радлунсэ?
8. Код гижодыс энджыка ышодэ гижны асьыд серпас?
9. Кыдзи вильног кужома гижысье висьтавны косянасэ?

Кык гижод орччодом корэ гогорвоодны могсэ – мый ради орччодома тайэ гижодъяссо, мый тайэ сетас лыддысьеысылы, мый отсалас гогорвоны, содтэд восьтыны гижодъяссье.

Мыйон торьялэ гижодъясылон тэчасногыс?

Мый йылысь муно сёрниыс гижодъясас?

Гижысьясыс петкодлоны ас гогорса олөмсэ либэ аскылөмсэ?

Кылан-ө, аддан-ө асьтэ гижодъяссье?

Код гижодыс тэныд матынджык?

Гижодъясыс велөдоны либэ короны мовпавны, сёрнитны, радлыны?..

Кыдзи олөны висьтъясас вөр-ваыс да мортыс? Кутшөмон висьтъясас петкодлома мортсэ?

Гижодъяссо лыддьом бөрын вермам-ө шуны, мый гогорвоам сэтыс ставсэ?

Кыдзи отсалэ гижодсэ лыддянногыс (пасъяс, кывъяс отсөгөн) гогорвоны гижысьеысылы аскылөмсэ?

Висьтав ас кывйон тэныд матынджык гижодсэ. Мый воштіс сійэ? Вежсис-ө кывйе, ритмыс?

Кутшөм чуймөдана кывъяс адзэмаось гижысьясыс мич

петкөдлөм могысь?

Код гижөдас кывйыс стөчджык?

Кодар гижөдыс артмө чуймөданаторъясысь?

Кодар гижөдсө поэь шуны аслыспөлөс видзөдласөн? Мыйла?

Мыйын аддзө радлунсө гижысьыс?

Дасьты тэныд матын гижөд серти серпас.

Орчөд серпастө ёртыдлөн серпаскөд. Висьтав, мыйөн найө торъялөны: рөмнас, видзөдласнас, аскылөмнас?

А мыйын өткодылуныс? Вөч кывкөртөд.

### ☞ Садымөдны мортыслысь ловсө и вежөрсө

Литература эрдөдө олөмысь лөксө и бурсө. И велөдысьлөн мог-ышөдны челядьөс олөмсьыс казавны радлунысь өтар дойсө, тырмытөмторсө, мый морт сьөлөмыс кылө.

Философия петкөдлө вежөр олөмыслысь озырлунсө, мөвпыслысь поэянлунсө.

И литературалөн, и философиялөн могыс – сөвмөдны мортыслысь ловсө и вежөрсө.

Гижөд гөгөр уджалігөн велөдысь чуйдөдө челядьөс аддзыны гижөдыслысь шөр мөвпсө, водзө сөвмөдны тайө мөвпсө, орчөдны олөмыскөд, дженъыда висьтавны гижөдыслысь сюрөссө (сідзкө, йигөртны медшөр визьсө), та могысь корсьны стөчджык кывъяс.

Велөдысь көсьө гөгөрвоны, мый садымөдіс лыддысьысь сьөлөм-вежөрын тайө гижөдыс: казтылөм, радлун, шензьөм, а, гашкө, и нинөм эз вөрзөд либө мортыс эз гөгөрво, эз куж аддзыны гижөдысь радлунсө, эз кыв.

Быдөн кылө и аддзө олөмсө ас ногыс, та вөсна и быд гижысьлөн тшөтш петкөдчө аслас видзөдлас. Но сылөн мөвпъясыс оз пөдтыны вежөрсө, а вөзйөны темаяс, корөны юксьыны мөвпъясөн, отсалөны сөвмөдны аскылөм.

Кызди чуйдөдны бур ногөн мөвпавны, мый сетас поэянлун том мортлы олөмас бөрийыны колана туйвизьсө, мед эз вош морт нимыс, мед оліс да уджаліс йөзыскөд өтвыв, и сэк жө мөвпаліс ас ногыс,

мед вöлі олöм вылас аслас видзöдлас – та йылысь мöвпалö быд велöдысь.

Лыддысьысь гижöдысь век корсьö асьсö, сылы лöсялана здукъяс. Сідзкö, челядылы выльторйыс кокныдджыка воссяс налы тöдса нин здукъяс пыр. Гижöдын мортыслысь радлунсö, шудсö, дойсö, чуймалöмсö петкöдлöмыс отсалас челядылы гөгöрвоны асьыныс олöмсö, майпашьöмсö, полöмсö. Гижöдас I морт нимсянь сёрнисö нуöдöмыс челядьöс кокниа пыртöдас (серпасалöм) олöмас.

Гижöд подув вылын ёрта сёрни лöсьöдöм сетас челядылы позянлун выль ног видзöдлыны гижöд вылас, сöвмöдны гижöдыслысь мöвпсö, пыртны сёрниö мöд нога видзöдлас.

Ёрта сёрни лöсьöдöмын петкöдчас вежөрлөн уджыс, ёрта сёрни пыр воссясны гижöдлөн гусяторъясыс, сылөн вежөртасыс, петкöдчас кык либö унджык мортлөн видзöдласыс, мöд нога мöвпалöм. Сёрныс мортсяныс корас тöдöмлун. Да и мöд морткöд сёрнитигөн тшöкыдджыка воöны вежөрö асьтö весиг чуймöдана мöвпъяс, вунöдлöм здукъяс.

Мöд-коймöд мортлөн мöвпалöм, висьтасьöм отсалас том мортлы сöвмöдны гижöд йывсьыс асьыс видзöдлас. Велöдчысь кывзö и бөрйö сылы матынджык олöм кылöмсö.

Да и велöдыськöд сёрни корас öдйöджык мöвпавны, и сэки петкöдчас оз сöмын вежөрлөн, но и мывкыдлөн уджыс.

Примерсö босьтöма челядылы радио пыр юргысь передачаысь. Сёрнитöны олöма морт Öнись дядь да ичöt нывка Сандра.

*С: А мыйла мортыс лёксö вöчö мöд мортыслы?*

*Ö.д.: Кодкö вежөктö, а кодлөнкö пытшкöсас лёкыс унджык, да сійөн ли мый ли...*

*С: А лёк мортыслы кö мича дзоридз козьналан, сійö бурджык лöб али оз?*

*Ö.д.: Шуласны тай, мортыс лёк тэныд вöчас, а тэ сылы бурсö вöзйы, он кö вермы тöдöмөн (син водзын) – гусьөн вöч.*

*С: Öнись дядь, а йөн дзоридзсö öд он нин козьнав лёксö вöчысь мортыслы...*

*Ö.д: Тэ тай философ, Сандрук.*

С: Онись дядь, а оз кӧ овмӧдчыны дзоридзьясыд?

Ӧ.д: Пуктан ӧд овны... Колӧ аслыным бур думӧн овны дай.  
Мортыдлӧн мӧвпыс вермӧ и бур, и лӧк вӧчны.

С: Кызди нӧ сӧдзи? Мӧвптӧ ӧд некод оз кыв?

Ӧ.д: Но мортыс ӧд олӧ аслас мӧвп серти. И тайӧ кӧйдысыс – мян мӧвпным, гуся на, но быдмас да воссяс сӧ кымын дзоридз – аслас мичӧн кымын сӧлӧм кутас гажӧдны...

### ➤ Мый корсьӧ лолыс и мый кӧсйӧ гӧгӧрвоны вежӧрыс...

Морт ловлы колӧ быдмыны. А быдмӧ сйӧ уджалӧмӧн – вежӧрыс кыйӧ олӧмсьыс ловсӧ пызьӧдан здукъяс.

Мый дзебӧ мортыс йӧз синмысь, мый сйӧс майшӧдлӧ, мый корӧ сылӧн лолыс вежны олӧмсьыс, кор сылы бур, а кор лӧк – тайӧ пытшкӧсса олӧмыс быд мортлӧн, и мян мог – отсавны быдмысьлы гӧгӧрвоны асьсӧ олӧмас.

Гижӧд – сйӧ вежӧрлӧн удж, ловлӧн корсьысьӧм: мыйын олӧмас петкӧдчӧ мичлуныс, мыйын сылӧн чуймӧданаторйыс, кызди артмӧ сйӧ гижӧдас, мый кылӧ лолыс, а мый корсьӧ вежӧрыс,.. а век-ӧ вежӧрыс кывзӧ ловсӧ,.. а кор лолыс оз кывзы вежӧрсӧ?..

«Пуяссӧ пӧрӧдисны, а туйыс боктӧ мунис». Век-ӧ мортыс ставсӧ мӧвпыштӧмӧн вӧчӧ асьыс уджсӧ,.. кор лолыс да вежӧрыс оз овны ӧтсӧглас,.. мыйла татшӧмыс лоӧ олӧмас – тайӧ и верстьӧ йӧзлы абу век гӧгӧрвоана. Но челядьӧс кӧ ог кутӧй велӧдны мӧвпавнысӧ, унатор олӧмас коляс казьятӧг.

Гижӧдсӧ уна ног видлалӧмыс ышӧдас челядьӧс мӧвпавны, отсалас восьтыны гижӧдыслысь сайӧдӧм мӧвпсӧ да орччӧдны гижӧдсӧ мӧд нога висьталӧмкӧд, сетас позянлун аддзыны олӧмас гижӧдыслысь коланлунсӧ.

Гижӧд йылысь сӧрнитӧгӧн велӧдысьыс эрдӧдас синмӧ пыбитчытӧмторъяссӧ, восьтас-стӧчмӧдас кыв боксянь либӧ вежӧртас боксянь, гашкӧ, аддзас сӧтысь дзебӧм вежӧртас.

Велӧдчысь унджык тӧдмалӧ ас йывсьыс, кор мӧвпалӧ. Мӧвпыс унатор вермӧ вежны олӧмас. Олӧм кылӧмсӧ морт видзӧ ас пытшкас,

сөмын колө кужны чуйдөдны челядьос петкөдлыны, восьтыны сійос. Мортислөн позянлуныс тыдовтчас уджын, серпасын, гижөдын. Кодлыкө водзджык, кодлыкө сёрөнджык воас сылы вичмөм сямыс.

Мый корсё мортислөн лолыс? Вьльтор, радлун, вын-эбос, ас гөгорса олөмсө кылөм, чуймөданатор, сьөлөм вөрзёдана здукъяс.

## Юалөмъяс

*Гижөд пыр восьсё ловлөн сөвман туйвизьыс. Петкөдчө ловлы инманасыс. А сідзкө, и восьсё гижөм кыв вежөртасыс. Абу гөгөрвоөдбөмын, а вежөртассө мөвпалөм-туялөмын бурасыс. Лыддысысысыс кылас и асьсө...*

Велөдчан небөггьясө пыртөм юалөмъясыс пырджык корөны вочавидзнысө сөмын видлалан текст сюрөс сертиыс, а оз шызёдны вежөртө. Татшөм юалөмъясыс оз вөрзёдны мөвпавны босьтчысьос, оз восьтыны сюрөсыслысь да кывйыслысь төдчанлунсө, гижөм серпасыслысь чуймөданасө. Өти сикас юалөмъясыс оз петкөдлыны гижөдыслысь аслыспөлөслунсө, та вөсна челядь унджыкысьсө оз и кужны казавны уна гижөд пөвстысь бур гижөдсө.

Велөдысь сувтөдө татшөм моггьяс: ышөдны велөдчысьсөс гижөд серти сёрниө, сөвмөдны гижөд кылөмсө, восьтыны мөвпыслысь вынсө, петкөдлыны челядьлы художествоа гижөдыслысь позянлунсө.

Юалөмнас колө нөшта сетны велөдчысьлы позянлун восьтыны аскылөмсө, мед том морт эз вошты пытшкөсса озырлунсө. Та вөсна быд юалөм колө лөсьөдны водзвы: өд садьмас али падмас вежөрыс мортислөн – ставыс велөдысь сайын.

Велөдчан небөггьясын тшөкыда паныдасьлө «мыйла» юалөм. «Мыйла» юалөмнас колө вөдитчыны кужөмөн. И юалөмъясыс мед эз пыккыны челядь вежөрысь абутөм вочавидзөмсө.

Петкөдлам: мыйла тадзи мөвпаланнды? мыйла видзьяс, муяс вылө пуксис лөнь? (Велөдчан небөггыс)

И асьсө уроксө колө мөвпыштны сідзи, мед урок дырийыс эз

ло сөмын юасьом-вочавидзём. Ичөт класса челядьлы уроклөн татшөм формаыс сьөкыд.

Велөдыс корсьө, кыдзи уроксө сетны выль ног, бөрийө кык-куим юалөм, и урокыс мед лоө тайө юалөмгъяс вылө вочавидзёмөн.

Велөдысьлы колө мөвпыштны – озырмас-ө урокө пыртөм гижөднас мортыслөн лолыс.

Художествоа гижөд йылысь сёрнитигөн медыджыд могөн лоө челядьлысь ловсө озырмөдөм, вежөр-мывкыдсө совмөдөм. Мед велөдчысьыс унджык төдмаліс ас йывсьыс, тшөкыдджыка кывзысис аслас сьөлөм кылөмас да сьлөн лои көсийөм босьтны ыджыдджык төдөмлун.

### ➤ Мөвплысь поэялунсө восьтөм

Посни челядьлы лоө сьөкыд гөгөрвоны мөвпгъясыслысь вынсө, и велөдысь ас кывйөн восьтө мөвпсө. Быд велөдысьлөн лоө аслыс-нога висьталөм, тайө и бур. И авторыс восьтө ассьыс мөвпгъяс гөгөрвоөмсө:

*Ми тэрмөдлам кадсө...*

Лунгъяссө мукөддырйи вөтлам, и унатор ог казялөй.

*Медым быдмыны, быд турун сілы колө шонді... и колө ва..*

Шонді да ва сетөны олөм, шонді да ва кыпөдоны мортыслысь ловсө, сетөны выль ру художник, поэт вежөрлы.

*Нинөм оз быдмы сэтшөм өдийө, кыдзи нявда...*

Ковтөмыс морт пытшкын өдийө вермө чукөрмыны, а бурсө колө аддзыны, быдтыны, и та вылө колө кад, вын, сям, бурлун.

*А мый вөчны эзысь бордгъяса юрсигуськөд?..*

Орччатө кокни дойдны, зэв кокни жугөдны вөр-ва олөмсө. Юрсигусьлөн эзысь бордгъясыс шензөдоны-чуймөдоны. Вөр-ваыс миянлы вөзийө оз сөмын кынөмпөт да чөсмасянтор, но вөзийө мичсө, ловтө кыпөдө, кокньөдө.

*И пыр жё мянлы шыасяс йёлёга...*

Бөр-ваыс унатор восьтё мортыслы, унаторйё велёдö. И йоз-костса олёмас ми кылам йёлёгалысь шысö: кызди шыасям морт динö, сідзи сійö и вочавидзас.

*Быд турун сі олёмас колö...*

А мортлөн коланлуныс ас киас.

*Дзоридзалö оз, а сэсся и гөррдзасьö...*

Быд дзоридзлы, быд вотöслы воö аслас кад. Да и морт олöмын эм лад. Но оз быдөн сійöс лöсьöд ас пытшкас.

*Медся сьöкыд, шуласны тай, виччысьны...*

Кужны виччысьны - сідзкö кадсö да олöмыслысь ладсö пыдди пуктыны.

*Олöмыс сэтшöм, кутшöмөн тэ сійöс аддзан...*

Быдөн аддзö олөмсö ас ногыс - таын и эм медся донаторйыс. И гөгөрвоны тайöс - асьтö кывны олёмас шудаён.

*Миянлы сетöма вежөр тöдны, кор да мый шуны, а кор и чöв олыштны да мөвпалыштыны...*

Морт пытшкын кутöд йылысь мөвпалігөн...

*Кыасö ме кöсйи босьтны аслым...*

Мортыс олёмас унатор оз вермы вöчны, мый эськö кöсйис, но мед вексылөн лоö кöсйöм аслас вежөрөн судзöдчыны вылыссаджык тшупöдöдз.

*Вöчан буртор, и тэныд бурён воас...*

Виччысьны бурсö кодсянькö оз и ков, а бурсö вöчны мортлы, верман кö, быть колö.

Бурлуныс и эм мортыслөн вежöрыс.

*Вөр-ваыс кө висьё, висьёны и йёзыс...*

Мортлөн да вөр-валён йитёдыс зэв топыд. Кор жугёдоны вөр-  
васё, бур мортлөн висьё лолыс.

*Аддзам мичасё, и окота нин босьтны аслыным...*

Босьтны мичсё лов пытшкё, ёктыны юр вежё, татчёдз воё отка-  
отка морт.

*Мичлуныс син водзын, да ог аддзёй...*

Вөр-валён мичлуныс вощё надзёникён, мортыс аслас ловлысь  
позянлунсё вощё олом чёжён (нэм чёжён), мортлы весиг аслас  
лолыс тёдтём.

*Ставсё колё вёчны ас кадё...*

Вежёрнад, мывкыднад кывзыны кадсё.

*Сёмын удж мичаён вёчё мортсё...*

И лолыс, и вежёрыс мортлөн быдмё уджын.

### • **Оти кывбур**

*Вежёрлы гёгөрвотём мичсё корсян кывсьыс, мёвпсьыс либё..  
гусяторйыс кольё кывбур саяс...*

И быд вощьколын,

Мунан сюся кө –

Верман вощьтыны

Уна гусятор.

*Е.Козлов*

Оломсьыс гусяторъяссё казялём да аддзём пырыс поэтыс  
тёдмалё асьыс ловсё. И тайё кывбур йывсьыс сёрнитигён колё  
гёгөрвоодны кывбурыслысь мёд вежёртассё, мый оз сёмын орт-  
сыса гусяторъяссё поэтыс чуйдёд аддзыны, но и мый куйлё пид-

иын, ловлысь гусяторгъяссö.

Мунан сюся кö - уна гусятор... Сидзкö, кодi кужö казавны-адзыны, кодлön лолыс восьса, олöмыс сылы сетö чуймöданасö. И быд воськолын верман восьтыны,.. сидзкö, быд здук морт олöмын колана, быд здук шызьöдны-шензьöдны вермö мортлысь ловсö, уджödö сийöс, сöвмödö мортлысь вежöрсö, содтö мывкыдсö.

Верман восьтыны... А вермас и восьтытöг кольны. И он и тöдлы, мый воштiн, а аддзас-ö кодкö мöд, а гашкö, и сийö оз аддзы, и тайö здукыс олöмас мöдысь оз нин ло некор, мöвпыс эз чуж, кадас вошис.

### ☞ Чуйдöдны мортсö кывны ас пытшкöс вежсьöмсö

*Кывйыслön шензьöдана аслыспöлöс горыс артмö мортön сяммöмысь йитны му выв олöмысь босьтöм сюрöссö енкöла мывкыдкöд...*

Мичлунсö этша сöмын кывны, сийöс колö корсьны - петкöдлыны гижöдсьыс. Но тайöс вöчны унаысь он сяммы. Гашкö, оз и ков.

Мый кöсийö мортыс вежны олöмсьыс, мый вермö, а мый оз?

Мыйысь чужö шöр мöвпыс, оз-ö артмы муртса казяланасьыс?

Челядь вежөрö мед кольö оз сöмын кывйыслön вежöртасыс, но и кывйыслön вежöрыс (аураыс).

Кывбурыс чужö радлунысь?.. Оз век. Некор он тöд, кутшöм здукö чужас кывбурыс. И кутшöм здук ышöдас кывбурсö гижны.

Лыддысян урок дырйи велöдчысь унджык тöдмалö ас йывсьыс.

Олöм да вежөр костын нигаыд - аслыссияма пос.

Эн нигаысь век, а ёнджыка вежöрсьыд корсь.

Олөмас медся сьёкыд здукъясыс тшөкыдаджык чужтöны мөвпсö?

Кутшөм здукъяс гижөдын корöны лолавны öтывь?..

Мортлөн му-ваыскөд öтсöгласа олөмыс век мича. Колö восьтыны челядлы тайöс.

Мыйын гижөдсö видлалигөн велөдчысьыс аддзö мичлунсö? Мый челядь ловлы лои ас, гөгөрвоана, чуймөдана, выль?.. Кыдзи лои восьтöма гижөдсö велөдысьөн? Кутшөм буртор урокысь челядь пыргисны асланыс уджö?

Серпаса гижөдъясыс сетöны нин позянлун аддзыны мичсö. И тани шөр мognас лоö серпасыслысь пыдi мөвпсö восьтöмыс.

Уджсö пуктыны сiдзи, мед мортыслөн чужис көсйөм шуны, висьтавны, юксьыны ёртыскөд аслас видзөдласөн, мөвпөн. Кор лоö татшөм көсйöмыс? Кор мортсö вөрзьөдö сёрнитанторйыс, кор сийö аддзö уджыслысь коланлунсö, кор лоö төдмавны көсйöмыс.

Мед мөвп чужис-югнитис - татчөдз колö вайөдны уджсö.

Татысь ме кыла ачымös, а татысь - ог... Чуйдөдны челядьös кывзыны асьнысö, гөгөрвоны мукөдысь торъялөмсö. И кужны шуны - ог.

Быд сёрникузя помын чут. А лыддынысö кокни. Мыйла? (Н.Фроловлөн кывбур йылысь сёрнитигөн)

Вежөртасыс, сюрösыс, вежöрыс гижөдыслөн - мый лоö урокыслөн шөр визьнас?..

Мыйö велөдö гижөдыс... Та йылысь оз ков сёрнитны.

Петкөдлыны сёрникузя да өти сёрникузяысь артмём  
художествоа гижөд костын торъялөмсө.

Восьтыны морт лолысь выльтор. Юр садь уджысь (фантазияысь)  
он аддзы мортсө. Қолө, мед тыдовтчис мортыслөн киподтуйыс,  
сылөн видзөдласыс, лов вөрзёмыс.

Пырөдчас-ө лыддысысыс гижысьөн вежөртөмас али восьтас на  
и гижөдас висьтавтөмсө.

### ☞ Гижөдыс - олөмыслөн водзлань воськов

*Морт лолыс пыр сөвмө. Сылөн олөмыс тани - выль кыв, и сыөн  
чужтём кывйыс - выль олөм...*

Творчествоа гижан уджыс корө челядьянь олөмсыс колана  
здукъяс бөрийыны кужөм. Велөдыс челядылы гөгөрвоөдө, мый колө  
петкөдлыны гижөднас, төдчөдө сылысь коланлунсө. Кывсө  
озырмөдөм могысь велөдыс индө челядылы төдса нин, но мича-  
джык, ловъяджык кывъяс, а мед гижөдыслөн тэчасногыс лои ас-  
лыспөлөс - вөзий план.

Кутшөм лоө гижөдыслөн темаыс... Мед эськө темаыс ышөдас  
мөвпавны, корсявны выль рөмъяс, выль аскылөм, олөм здукъясысь  
артмөдны выль нога гижөд, ворсны кывнас.

Велөдыс корө челядьяс төдсасө восьтыны выль кыв, видзөдлас,  
гижанног корсьөмөн.

Велөдыс чуйдөдө аддзыны челядьяс ас гөгөрысь олөмсө.

Темаыс мед лоө уна сикас, мөвпавны ышөдана.

Велөдыс отсалө быдөнлы восьтыны асьыс лов пытшкөс олөмсө,

быдөн водзё пуктё аслыспёлёс мог;

корё этшаджык гижны, унджык серпасавны кывнас;

ышпёдö корсьны стöч кывсö;

видлыны этша кывйөн унатор шуны;

мövпавны, кутшöм удж вöчö бöрийöм кывйыс... Ыджыд-ö  
вежöртас нуö...

Мый выльсö морт ловлысь восьтас гижöдын велöдчысьыс?..

Гижöдөн кыйны сийöс, мый оз петкöдчы синлы...

Петкöдлыны олöмыслысь öдийö вежсьöмсö...

«Мый медся сьöкыдыс? – Адззыны сийöс, мый син водзад».

Серпасалöм здукыс мед оліс ас олёмөн, мыйёнкö шензьöдіс,  
корис möвпавны, шуны виччысьтём кыв.

Велöдысь чуйдöдö водзё вылö казавны, кутны юрын аддзылём  
чуймöданаторсö.

Корсьны поэзиясö, виччысьтём тема, тэчасног, кыв...

Гижан удж вöчöм бöрын möвпавны: мый выльсö ме восьті  
аслам гижöдөн; мый эг вермы петкöдлыны; мый отсаліс адззыны  
меным темасö; кутшöм мöд нырвизьті позис нуöдны сёрнисö...

Гижöдыс – аслыспёлёс видзöдлас олём вылö...

## Художествоа кывйыслөн позянлуныс

Кызди сөвмө кывйыс?.. Вежсьö-оз кыв сөвмөмыскöд муыгыдыс, вежсьö оз мортлөн лолыс да мывкыдыс?.. Художествоа кывйыслөн позянлуныс петкöдчö лыддьысьысь вежöрын. Кымын унджык вощьö морт вежöрын мөвпалан визьыс, сымын озырджыкөн кылö асьö морт...

Художествоа кывйыс - лов-вежөрö туйвизь.

Кутшöм гусятор видзö кывйыс - мед коляс вежөрлы гусяторйөн, лолыс кö казялас и...

Кывйыс оз шу унджык, морт вежöрыс кö оз ло дась вощьтны сылы сөвмөм могысь выль визьöбъяс. Кывйыс пискöдö морт лов-вежөр пыр аслыс туй.

## Кывкöртöд

Кодлыкö шуöма кыв пыр петкöдлыны йöзыслы му выв олöмыслысь мичсö, а кодлыкö шуöма нэм чöжыс тöдмавны асьыс ловсö - и аслас мөвпъясөн юксыны нин морткöд. Лов-вежөрлысь олөмсö гөгөрвоöмыс отсалас казявны и кывйыслысь уна ног петкöдчöмсö, аддзыны кывйыслысь позянлуносö.

Кывзы асьтö - тайö лоö быдмысь-сөвмысь морт динö шыасьöмөн. Öд став озырлуныс мортыслөн - сы лов-вежöрын. И сямыс воас, и выныс, и кывйыс - лоö кö кöсийöм. Мортыслөн могыс - быдтыны ловсö, сөвмöдны вежөрсö... тöдны асьö.



## Юриндалысь

Водзкыв.....	3
Аскиа лун йылысь мовпаломон.....	4
И челядьос чуйдодны мовпавны.....	4
Гижодсö лыддьом, вежортөм.....	5
Челядь мед асьныс гижодсö кылöны.....	6
Уроклөн эстетика.....	7
Кывйыслөн поэялунуны.....	7
Гижодлөн сюрöсы.....	8
Гижодлысь шөр мовпсö төдчөдөм.....	9
Морт да сылөн олан этшыс.....	10
Олом вылө авторлөн видзодлас.....	10
Аддзыны гижодсö выль синмөн.....	11
Öти темаа гижөдъяс.....	12
Садьмодны мортыслысь ловсö и вежорсö.....	13
Мый корсьö лолыс и мый көсьйö гөгөрвоны вежöрыс.....	15
Юалөмъяс.....	16
Мовплысь поэялунсö восьтөм.....	17
Öти кывбур.....	19
Чуйдодны мортсö кывны ас пытшкөс вежсьөмсö.....	20
Гижöдыс – олөмыслөн водзлань воськов.....	22
Художествоа кывйыслөн поэялунуны.....	24
Кывкөртөд.....	24

\*\*\*\*\*

**Афанасьева Елена Евгеньевна**

**Мөвпалан визьяс**

*Книга для учителя на коми языке*

Художник Истомин В.Ф.

Редакторы Анисенкова Л.В., Ивкина И.В.

Верстка и оригинал-макет Ивкина И.В.

Верстка и оригинал-макет подготовлен в ред.-изд. отделе КРИРОиПК  
167000, г.Сыктывкар, ул. Орджоникидзе, 14.

Лицензия КР № 0038 от 10.12.97.

Подписано в печать 5.12.2002.

Бум. офсет. Ф ормат 60x84 /16. Гарнитура Komi SchoolBook.

Уч.-изд.л.1,5. Усл.-печ.л.2,0. Тираж 100.

Отпечатано с готовых дискет на участке оперативной полиграфии КРИРОиПК



Мөвп пасйыны